



Partii Inuit Inatsisartuni

16. OKTOBERR

UKA 2013 / 78-1
RANDI BROBERG

Atuarfik pillugu Inatsisartut inatsisaat nr. 15, 3. december 2012-imeersumi § 25, imm. 4-imi aamma § 36, imm. 1-imi aalajangersarneqartut naapertorlugit meeqqanut inuusuttunullu inerikkiartormikkut kingusissunut nerisaqarfigiutigalugu atuarfittut immikkut ilusiligaasumik sulii ataatsimik pilersitseqqullugit ingerlatseqqullugillu Naalakkersuisut peqquneqarnissaannik Inatsisartut aalajangiiffigisassaattut Inatsisartunut ilaasortaq Agathe Fontain, Inuit Ataqatigiit siunnersuutaa Partii Inuit ima oqaaseqaffigissavarput:

Meeqqat atuarfimmi annerusumik minnerusumilluunniit innarluuteqarneq pissutingalugu immikkut tulluarsakkamik atuartinniartarnissaat pillugu inatsisartut inatsisaanni periarfissaq pitsaasuusoq isumaqarpugut, tassungalu tapiliullugu nunatsinni atuarfiit illoqarfinni ataasiakkaani aqqissuussaananerit eqqarsaatingalugu sutigut tamatigut pitsanngorsaasoqartuarnissaa pissusissamisoortutut isingalutigu.

Inatsisartunut ilaasortaq Agathe Fontainip inatsisartunut aaliagiiffigisassanngorlugi minnerusumik annerusumilluunniit inerikkiartormikkut kingusissunut innarluutilinnuunniit nerisarfiutigisumik immikkut ilusilikkamik atuarfimmik sulii ataatsimik pilersitsisoqarnissaannik kissaateqarnera tunngaviatigut tamakkiisumik isumaqatigaarput.

Partii Inuit isumaqarpugut sinerissami meeqqat atuarfiini, meeqqat taamatut innarluuteqarnertik pissutingalugu atuarfinni arajutsisimaneqartutut inissisimasartut amerlasut, aammalu tamatumunnga atatillugu angajoqqaarpassuusartut ilungersunartumik meerartik pillugu iliuusissaaleqisartut atuarfinni ilinniartitsisut tamakkiisumik nukissaqartannginneri pissutingalugit.

Partii Inuit ilisimaneqaatitsitut pilerpugut inuiaqatigiit ilutsinni ilaqtariit inuillu ataasiakkaat annertuallaamik qalliinnakkut suullinneqarlutik inissisimasut minnerunngitsumik pingaartillugit illersorumagatsigik.

Inatsisartunut ilaasortaq Agathe Fontainip aaliagiiffigisassatut siunnersuutaanut atatillugu naalakkersuisut akissutaanni maluginiarparputtaaq Naalakkersuisut



Partii Inuit Inatsisartuni

ajornartorsiut arajutsisimangikkaat; iliuuseqarfigisassatullu suliniutini tulleriaakkaminni erseqqissumik inissinneqarnissaa anguniangarigaat.

Ilinniartitaanermut, Ilageeqarnermut, Kultureqarnermut Naligiissitaanermullu Naalackersuisup akissutaani innersuussutit sulisoqarnermut atungassarititaasunullu tunngasut pillugit sukumiisumik mississuisoqarsimanginnera pissutingalugu, tassungalu taarsiullugu ilinniartitsinermit periusissaq maannakkut ilusilersorneqartoq naalackersuisut innersuussutingalugu siunnersuutip akuerineqanginnissaa innersuussutigaa.

Partii Inuit nuannaarutingaarput ajornartorsiut maannakkut naalackersuisuusut arajutsisimangimmassut aammalu tamanna iliuuseqarfingalugu aallartereersimammassuk. Taamaattorli Partii Inuit isumaqarpugut suliaq pingaartillugu naalackersuisut suli pimoorunnerullugu ilusilersussagaat, tassa ilinniartitaanermut periusissaq kisiat pinnagu, aammali siunissamut tunngatillugu ersarissumik ajornartorsiutit ataatsimoortillugit iluarsartuunneqarnissaat pillugit tikkuussisumik ilusilersueqqullugit naalackersuisut kaammatuuteqarfigissavagut.

Siunnersuut tunngaviatigut ilassilluarlugu naalackersuisut tikkuusisumik suliniutinik ingerlataqalereersimanagerat pillugu innersuussutigissavarput itigartinneqassasoq.